

5

卷之五

四明文獻集卷之五

王厚齋

誥

翰林學士知制誥兼侍讀除同知樞密院事詞

詞科所業後篇同

勅股肱一体相成祇適時幾之戒文武萬邦惟憲儀罔翰
墨之英朕廸前人光燁成功所在咸平有若臣旦在嘉祐
有若臣修擢繇禁林登貳樞極惟嶷收頗牧之績樽俎折

後學鄭真輯

後學陳朝輔訂補

輩允之謀無競維人式序在位翰林學士知制誥兼侍讀
某養剛大之氣好深湛之思學道乎中庸德五經之妙論
文澤乎仁義信三代之餘風灼見俊心贊為名命代言溫
雅發號施令罔不戒勸誦從容陳善閉邪謂之敬妻訪河
西之邊事咸聳山東之詔書嘉其知軍戎之情進而與甲
兵之問爾敵則告我武惟揚噫夙夜甚宥卑厥心勿替協
恭之助國家閑暇明其改具履思患之防以又受民俾侶
先烈可授同知樞密院事

起居舍人兼侍講除中書舍人兼禮部尚書誥
勅周史之掌贊書列于禮典舜官之出帝命先以秩宗朕

登崇文髦藻飾治具迪簡敷任之考久儀籒筆之暇錫我
茂恩對時妙選起居舍人兼侍講某簡廉載采博譽好修
砥行立名濟、扶揚之禮弼中彪外哀、樂安之文仁義
其言藹如直諫多聞益矣欽起居而在右君舉必書考仁
聖以陳前古訓有獲丕從朕志曰求厥章昔元祐擢軾於
螭塗晉司帝制紹興寘遵於鳳閣復貳春卿惟文季咸精
能俾播告不匿指咨爾兼組賁于演倫為誥有古風罔俾
仲舒之媿同日加兩命允謂知章之榮予欲善辭令以華
國汝為予欲現會通以秩典汝翼庶幾終譽式克欽承可
授中書舍人兼禮部侍郎

按詞學指南云誥告也其原起于湯誥周官太祝六辭三日誥

士師五戒二曰誥成王封康叔唐叔命以康誥唐誥漢元
狩六年立三子為王初作誥唐白居易翰林曰制詔中書
曰制誥蓋內外命書之別宋西
掖初除試誥而命題亦曰制

章鑑特授端明殿學士同簽書樞密院事誥

外制掖垣藁以下同咸淳八年

勅祇勅外治劫受中樞以教寧武功倚群賢之疆本推我

康弼直咨同德之合謀迪簡蓋臣誕揚明命具官某器裕

而守正識融而履德中和不倚不流得諸涵養之厚李問

如磨如琢從我新益之游俊心灼知墮業可大乃踐爭臣

之列乃儀常伯之朕履愆格其非少納惟允陳善謂之敬

就將有光察其忠嘉宜在宥密念采薇守衛之策正徹桑

綢繆之時風寒嚴護於江淮月捷巢清於襄峴有帝立武

無競惟人若願浩繇天官而升若晏殊以宮案之舊俾陪

借箸之畫式協推車之忱班書殿而德要經爵躬圭而增

多邑其贊帷帳筭之運以成道德威之強噫在元祐則岩

叟謹言用君子而保國在中興則臣鼎遠慮申軍律而治

兵共濟明謨克邁前哲可鑑仕至宰相問元兵日迫於故

予祠鑑居位多許可
時日為滿朝歎

李庭芝特授參知政事依旧淮東安撫制置大使

兼知揚州兼淮西策應大使誥德祐元年

勅祇適先猷儀固哲輔慶曆彥博之參國秉肅將河北之

征師紹興臣鼎之預改涂擢錄江右之大閫乃曉韓方之
績延登醴假之暇載錫褒綸率循茂典具官某洪澤而肅
括於碩大而光明日閫外制之蘊知國知兵之略言長城遠
矣兼允文允武之才屬邊項之孔艱嚴風寒之謹護淮浦
戒我師旅辛勵勤王之忠執政猶吾股肱灼知休國之志
朕愼采薇治外之急思集蓼恣患之謀効命惟時惟幾盡
惜陰而攘却繼今立改立事其揆策以贊襄是用擢貳台
衡仍分閫職以協濟日萬幾之務以耆定月三捷之勳旂
壘如克弼之增明廊廟有德裕而益重衍其采邑壯乃威
聲噫東方畢公率之雖身外而心王宇北伐張仲在矣共

武服以奉膚公无競維人往敬用治可

李庭芝特授知樞密院事兼參知政事誥

勅思濟多艱疇咨碩輔文附衆武威敵懋時屏翰之勲內
修政外攘夷簡在股肱之寄圖任亦惟求舊折衝何必臨
邊爰登一賢俾贊二枋具官某才鉅而識遠德粹而量闊
儒士知戎情挺：崇詩書之望身外心王室倦：安社稷
之忠金城淮浦之要衝砥柱廣陵之巨鎮執訊獲醜婁秦
膚公協恭和衷肆命予翼慨念勤勞於強圉莫如謀畫於
廟堂第一星曰天樞晉陟籌帷之冠間兩社為公輔復參
台路之謨若王閭之在淳熙若昭先之於嘉定迺惟注意

允矣兼資趣介圭之來朝衍采邑而孔厚噫率有指疆土
朕思救武以勗功其克誥戎兵爾尚人氏而立政懋展真
儒無敵之畧適恢中興復古之規可時阿朮圍揚久庭芝
阿朮以太皇手詔諭降不從及帝次瓜洲太皇復賜詔曰
比詔卿已納欵日未報豈未悉吾意尚欲固圍耶今吾與
一死而既已臣服卿尚為誰守之庭芝不答謂其客曰吾惟
書城上糧既盡令將校出粟雜牛皮曲蘗以給之民有自
食其子者猶力戰不屈戰于丁村軍潰阿朮請于世祖赦
焚詔斬使之罪令早歸欵庭芝不納後大戰揚子橋姜才
將回回引刀向張弘範弘範迎刺之流矢中才在才拔矢
揮刀而前元師辟易不敢逼

陳文龍特授中大夫同知樞密院事兼權參知政
事誥

勅祈永命開中興維哲輔同心之助詰戎兵揚大烈維世
臣繼美之能永懷孝祖之聖謨緬想乾道之賢佐正色敢
言之操知為忠臣贊元經遠之猷進貳宥府天忠我成功
所予迪惟前人光茲復見於魁儒其適薄於陟典具官某
識明而才裕學粹而器闕仁有勇德有言蹇、救時之志
和不流中不倚恆、穆繹之謀繇首諫以疇咨登中樞而
共濟參翼天保永徽之治協圖蒸民常武之勲慨四郊多
壘之未清慄一日萬幾之孔棘若汎濤而求丞揖若支厦
而萃良工趣躋淳化名臣之官峻陞元封執政之秩乃兼
駸假用又多艱進爵侯圭增封邑采以隆股肱之睠以計

社稷之安噫子房決勝而運籌蓋益恢於長策召公是似
而錫祉尚念紹於令名朕方篤繩武之思爾克邁象賢之
訓可文龍本名子龍狀元唱名度宗賜是名德祐元年後
知興化軍元兵至城下通判曹澄孫開門降執文龍欲降
送杭州不食死日此皆節義文章也可相迫邪卒不屈械

劉黻特起復授端明殿學士知慶元府沿海制置使誥

勅朕慨思時艱申飭外治陟禹迹至海表其克詰於戎兵
命畢公登東郊以謹固於封守瞻論思之峻望懋牧御之
殊庸賜齊履以重臨墨晉經而疆起具官某學茂而識裕

志剛而氣和議論通古今動衆心介然囊謬之操文武有
威風知大體展也經綸之才以常伯簡知於先朝惟連率
著勲於鄞水黍苗之澤允洽甘棠之愛不忘雖孝思參
騫之永懷而民望期霸伋之再至矧狼心之匪茲嚴鯨沛
之預防牖戶陰雨之備未修戈船下瀨之師多缺人惟求
舊戎有良翰弓鉞之錫顛征趣為朕往金革之事無辟難
以蒙辭仁廟咨臣靖鎮桂林孝祖詔臣介帥荆硯事維孔
棘禮有從權是用躋峻職於承明聳雄稜於制閫即里門
而眦印奠溟淖之澄波噫精神彊本折衝既念移忠之義
喉舌賦政于外益勗教武之功勿遲其行式克用人可益

登位以徽為參知政事赴台卒于羅浮

常楙特授端明殿學士提領戶部財用誥

勅八政食貨為先慨民生之寡遂九式制用有節念兵費之孔殷欲斟酌於源流必培護於根本淳化命總計之使建安重提綱之權適遵舊章簡畀碩彥具官某鎮密而栗從容以和善教得民有長者之風而不懦儒雅飭事有能吏之才而不苟婁底績於介藩旋騫華於禁路論思藹嚴徐之譽銓綜推裴馬之公惟錢穀之入幾何慙興師之弗給而公私之積可痛嗟足食之尤艱顯其任則可以通有無振其領則可以柅欺蠹陟承明祕殿之峻治收部邦計

之繁賦昔三司冠儀八座噫國以義為利朕方圖損上益

下之規財者人之心爾勉行愛民厚俗之政惟正是又其

永有辭可按楙嘗授晉太子甲生事欲為濟王之後德裕二年拜參政宣麻慈元殿文班止七人繼而逃去

文天祥特授端明殿學士依舊江西安撫使浙西

江東制置使兼知平江府誥

勅元戎十乘先行式倚真儒之望帥中三命承寵適隆方面之權朕若稽先朝之舊章竄重文明之遠職內以待畿廷之彥外亦褒帥閫之賢王素之牧平涼程戡之涖益部皆膺茲選今得其人具官某實學濟時英猷緯國文有武備義槩質于神明儒知軍情忠忱貫乎霜日傳檄召兵而

志士奮纓冠赴難而國勢張不啻素定之營允謂寡二之
略予欲復江表之疆宇命爾攘除予欲壯湘右之翰藩咨
爾修扞威稜管前茅之令醜類懣破竹之危惟任之顯者
位必崇惟名之重者功必集乃躋班規殿之峻以增華制
闡之嚴噫德邦咸喜戎有良翰茂對陟明之渥身雖外心在
王室趣成敵愾之勳可按天祥自贛州入衛上書宜分鏡
內為回鎮責任攻取者以為迂詔
知平江府

翁合特授試尚書禮部侍郎誥德祐元年

勅朕慨回維之未張念多艱之求濟為國天地與並必辨
上下以定民典禮夙夜惟寅必進英雋以疆本乃睠橐班

之舊誕敷環召之榮具官某內美修能瑰意琦行韶鳴玉
潔淵哉實好斯文山立時行紛獨有此嫖節羽儀侍從之
列芥藻副誥之華駒皎々以莫維鳳縹々其高邁予未堪難
壽咨百君子之謀爾有嘉猷申命十字伯之職肅治軍之儀
汝翼藏越紼之祭汝明道成樽俎折衝之功匪曰管籥豆司
存之未相見何晚周五禮有待而行今急而求魯兩生豈
不能致式克用人惠然來思可按合閩人著古今絕唱嘗
論賈似道以妬賢無比之
林甫輒自託于伊周以不學无術之霍光敢效尤於莽操
總權罔上賣國召兵專利虐民滔天之罪乞遠投荒時
高斯得依前行起居舍人特授兼侍讀誥

勅具官某朕聞學于古訓乃有獲詢茲黃髮則罔愆在天

聖時臣顛以尚書勸講在元祐際臣維困寶訓進規廷登
耆儒聿駿先烈爾履科而養以直學醇而資之深惟者成
人肯來覽德曰太史文命爾紀言曠聚辯居行之勤倚董
陶涵養之益何相見之晚也試岳聽而向焉百篇雅興之
文中興修攘之治示我顯行率惟救功清閑之燕盡精思
朕樂親於宿望溫潤之氣可開道爾念紹於前修斯得蜀人嘗論
似道之罪與氏合族

文天祥特授集英殿修撰樞密都承旨依舊江西
安撫副使

勅具官某多難維其棘矣有嘉衛上之忠來朝又何予之

載錫在師之寵脂車趨駕進律敷恩爾才裕經綸器兼文

武以臯伊冠倫之望有吾管樂濟時之猷糾合義師欲以身

任國家感憤外患不以賊遺君父憂分閭里重弓導旨預

前籌之畫朕方旰食而慮爾盍夜衣而行知當纓冠投袂

之時正如奉齋沃釜之急用躋華於書殿俾眠渥於從涂

修戈矛與同仇亟其入覲運帷幄而決勝尚賴協謀可下天

勤王詔至天祥捧之涕泣發郡中豪傑有眾萬人遂入衛
其友止之天祥曰國家養育三百年一旦有急徵天下兵
無一人一騎赴者吾欲以身殉之庶天下忠義將有聞風
而起者義勝者謀立人眾者功濟則社稷可保也天祥早
生自奉甚厚痛自抑損盡以家貲為軍費其言曰樂人之
樂者憂人之憂食人之食者死人之事

李芾特授秘閣修撰樞密副都承旨依舊知潭州

兼湖南安撫湖北鎮撫使誥

勅具官某十國為之有帥莫重於艱難之日諸侯有功進

律莫先於守禦之勞爾忠義紹于儒先器能濟于世

立不倚姦邪所忌連蹇駒谷壯氣不衰宅牧星沙分閩鄉

部護風寒秦月捷精神折衝使湘水無波嶽鎮不搖朕嘉

乃勤儉延閣細書之職貳宥廷導旨之聯文武二事兼之

矣時幾孔棘狡謀匪如惟事備以清氛謾集救功用對

揚我師中錫命之寵可弔守潭州乘城死戰有招降者斬

之金曰吾力竭分當死吾家人亦不可辱於俘取酒飲其

家人盡醉乃徧刃之芾亦引頸受刃忠縱火焚其居還家

殺其妻子復至火所大慟自刎幕僚陳億孫顏應焱皆死

譚民多舉家自盡城無虛井繆林木者相望

謝勅得特授秘書省著作郎兼權司封郎

勅具官某春秋成而亂賊懼作執秩以正官用能一戰策

勲朕崇獎氣節之士兼史職而命之度有歎難折衝

之功爾以鯁直忤大姦義形于色為一鄉之望庶信控風

寒要衝惟季梁在隨楚不敢謀忠信行乎州里隱然金湯

之固是用進長承明兼組主爵凡搏力之法并城之備墜

守臣共備之既克有定謂爾來矣可勅得嘗以發策廷似

縣內附自以與呂師夔善乞朝正使之行城又乞身至江

州與呂文海議事會文海北行不反而及保知信州呂師

夔狗江東符得迎戰取績奔建寧山中世祖召至京師七

日不食長書累萬言貽留夢炎稱大宋遺臣大元遺民食

棗子七枚以死有文章軌範行世

姚訔特授帶行太府寺丞依舊知常州

勅具官某毗陵控風寒之衝瀾河以西若防之制水特為
屏翰狡虜侵軼亡謀壹大治之則可以固吾圉敵難折衝
惟良二千石是賴爾以世臣居是邦即家剖符義舉奮發
且戰且守服勞維多外府轉丞示我陟明之典益堅捍禦
亟奏膚公朕將有懋賞可按訔希得子劉師勇復常州訔
知州事力戰固守百額命降人
王子良從城外居人運土為壘併人以蔡之又殺民婦取
其乳煎膏作砲焚其牌叔城破訔死之

黃萬石依前資政殿學士特陞江西制置大使兼

江西轉運使誥 德祐元年

勅宣力四方汝為既眠思於政路右師三錫承寵益增重

於間權昔高廟之耆武功命臣綱而鎮江右宏開制閩植
昇大名祇率舊章誕敷宸律具官某經綸實學開濟遠猷
吉甫文武憲邦才周應變孔明危難受任志切拯時纓冠
往以扶王事之艱投袂起以赴鄉鄰之急四郊若防制水
特乃扞城六師以修我戎獲其衛社慨天塹濤波之沸燿
風寒根本之憂率四方諸侯音機衡之異渥謀中軍元帥
峻弓鉞之顯征分陝之任益隆殄虜之勲可冀兼華增節
植屏洪都噫元戎先十乘之行朕欲壯中流之襟帶一賢
制千里之難卿其恢外禦之規摹精神折衝則氣勢強指
按當任則將士勵既克有定通番爾庸可萬石在江西不
能禦敵阿里海

牙取隆興萬石自撫州奔建昌降大元者荆三摺為士大夫之倡其將米立不降萬石諭之曰吾在宋官銜一圓牌寫不盡尚降汝至小何不降米立大罵嚙其舌以血唾其面就死萬石以大元軍入即武文天祥問府南劍經畧江西遂復邵武萬石敗走

趙孟傳特授華文閣直學士沿海制置使知慶元府

勅朕申做豫防疇咨良牧師保世祚表海峯懷宗老之道芳孝恭尹為東郊迪簡庭聞之令望我有明命賁于价藩具官某質厚而器閎心醇而忱裕以仁者勇協贊去凶之謀為同姓卿獨堅守節之志若昔理祖春爾前人京兆懋殫暨之功司徒敷寬和之教繡游鄉國閭制滄溟迄今甘

棠之餘思復見裳華之趾媿尹神臯而或履既振家聲即里社以分弓俾踐先職濟舜閣之遠直耀漢綬之榮觀軼哀州再世之光邁安陽奕葉之盛水犀之師爾其練習佩犢之民爾其填綏元帥閱禮樂詩書元杰象賢之助州里行忠信篤敬通觀報政之成可元兵至明孟傳迎降以酒飲解刺多手震酒傾解刺及曰我豈外人耶何畏懼乃是引瑞而飲之

家鉉翁依前直華文閣樞密副都承旨特授知臨安府瀕西安撫

勅具官某朕慨思時艱迪簡賢尹高邑為四方之極用謹固於本根周官倡九牧之風乃力辭於侍從有嘉廉孫載

錫寵褒爾粹學融明素履脩潔和平之政如古循吏所稱
清直之名惟前文人是似世濟其嫩人皆曰賢肆予更政
化之初命爾導宥密之命咨日畿浩禳之寄陟地官論思之
聯怡靜之操不偷忠謹之風可挹予欲成奠枕皇之績
爾惟有游又恢之才彊本折衝尤難於歐蔡承平之日
流化自近匪但循趙張發擯之規可程鵬飛取太石手詔
諭州郡降附太后從之檄執政皆署銜翁獨不從使者命
縉之銜翁日中書無縉執政之理乃止後為祈請使國亡
官之不從後至河間講易歸臨安以死有春秋傳行世

楊文仲特授集英殿脩撰知漳州誥

勅朕選渤海賢良之守用人嘉師厭承明侍從之勞難遠

雅意曠漳浦价藩之重有臣熹善政之餘今得其人乃試
以政具官某魯諸儒之學周吉士之風揮手中庸玉璫黃
流之器好是正直未弦清廟之音出奏民庸入儀禁路命
時貳于起節職簡而清咨綰長于國庫士有所式方群彥
聚朝而共濟慨一賢補郡之獨先惟朕勉從俾爾謹牧越
在外服曷思自葉以流根式是南邦必圖厚下而立本勿
謂閭土之遠亦若周畿之間行聞政聲毋替猷告可文仲
蜀人
虞伯生分祖

呂大圭特授祕閣脩撰知漳州

勅具官某朕擇選良吏而宅乃牧嘉考成人而遂其志體

臣子民之仁一也爾學醇行粹為時宿儒訪予落止入說

通英有涵養薰陶之益司宗惟亞典制典選意新才壯何

求退之果也漳浦介藩爾居相通命爾懷二千石綬以蓬

閣論撰其歸身處江湖之遠名在奎壁之躔詩云毋金

玉爾音而有遐心可大主温陵人嘗為中書舍人有春秋

五論集傳或問行世文天祥依前權工部尚書都督府參督軍事江西

安撫使特授湖西江東制置使兼知平江府

勅謀元帥將中軍簡在說禮崇詩之彥分云卿倡九牧時

維制治保邦之規朕咳懷艱危注意英雋有嘉衛社之志

誕昇制閫之權具官某碩大而光明宏深而肅括武文兼

備有經營四方之才忠義自將有獎率三軍之畧惟碩望

冠寵甲之選蓋皇祖為燕翼之詒討亂略以儆師人百其

勇追殊遇而欲報朕知乃心咨冒中甲兵之奇付閫外司

鉞之任若高皇命重臣宅牧合江湖以顯征若孝廟詔常

伯奪情念邊疆之孔棘揔中權於方面歿巨屏於門內

以護日畿之本根外以復天塹之險阻規摹有素勲業可

期噫元戎十乘先行共武服而國定師中三錫承寵以眾

正而民從適成攘狄之功丕闡用儒之放可元兵破回勇

召天祥入衛天祥行平江無固志矣九祥解石相互軍前慷慨不屈伯

親拘之與祈請使偕行互鎮江逃去浮海如温州起兵江

西志圖叛復空坑大敗就執入元都不屈南望廷而死

陸秀夫特授淮東提刑兼淮東制置司參議官誥

勅具官某古者兵刑一致猶下姦宄皆士官所懲獻囚皆

魯泮之事爾以通材敏識久參閫畫東淮祥刑使者缺命

爾愛我嘉師察獄以情斯可一戰乘輅飛檄爾晉兼之審

讞洗冤籌邊決勝所以拯黎元之命者在此往欽哉可

秀夫奉使伯顏軍前求稱伯廷不能後以兵會二王海上

征至宰相儀然正笏如平時或在行中懷然泣下以朝衣

狀淚盡濕凡述作皆出其手雖在匆遽猶自書大學章句

勸諸崖山既敗乃仗劍驅其妻子曰而去怕我不來乃詣

帝舟敵帝曰以帝太后已辱陛下不可再辱抱帝赴水死

晉萬壽特授復州團練使知嘉興府兼成都府路

安撫副使誥咸淳七年

勅具官某率軍人有指疆土尤重嘉川謹侯度脩爾戎兵

其惟良將懋簡折衝之績誕敷進律之褒爾挺志忠純受

才沉毅壯謀定金城之畧雄接擔玉門之關統戎馮陽而

威信孚宅牧瀘水而保障固肆疇咨於虢虜俾身鎮於捷

為正秩我團仍貳帥閫惟嚴于備禦則江沅靖惟勤於撫

綏則民心安徃奏膚公祗若明訓可德祐元年萬壽以嘉

城降于大元自後兩川郡縣皆送款獨張珏固守重慶不

張起嵩依前武功大夫復川團練使特陞除帶御

器械知夔州兼夔路安撫副使誥

勅具官某朕曠蜀道以注懷屬夔門之謀即救武功于西

士坦簡安邊之良得猛士守四方遠求固圉之績爾謀老
事壯知深勇況宅牧墟為暨：扞城之畧參華方面沈
敵熾之忠疇咨折衝乃命改鎮肆頒進律之墜明陟毫帶
之聯其覽平沙八陣之圖以護長江萬里之險可

張世傑依前保康軍承宣使樞密副都承旨特授
沿江制置副使知江陰軍兼制西策應使德祐元年

勅聞外制將軍必有重弓之備師中承天寵趣頒三命之
榮朕植江表之藩籬苗浙河之屏翰乃授西討之畧以先
元戎之行具官某志節忠純才猷明果帷幄決子房三勝
屢敵愾以獻功草木知萬福之名獨解紛而排難義舉倡

勤王之勇雄拔壯禦侮之威憤妖壘之未平慮狡謀之匪
茹蒸焯電邁有捕鹿持角之形虓旅飈馳有擊蛇首尾之
勢游騰月捷大振天聲予欲嚴守禦於澄江以捍蔽近甸
予欲復疆理於京口以進取列城擢貳方面之權兼館郡
符之寄合漢將籌策之用建唐使應接之名運掉適宜士
氣百倍竒正迭出虜殺一清豈止日畿之安庶幾天慙之
定若昔臣俊受任中興天惟忠我民朕念紹於前烈師以
順為武爾亟奏於膚公可

張世傑依前保康軍承宣使帶行樞密都承旨特
授龍神衛四廂都指揮使

勅脩甲兵與偕行既懋幹方之畧聽鼓鼙而思帥聿隆進
律之褒具官某果毅而尚謀忠純而好義勵擊楫清中原
之志首敵愾以獻功膺推轂遣將軍之權獨折衝而制勝
壯槩為勤王之倡雄稜期珍虜之勲朕方赫濯威聲將攘
除於戎醜爾惟獎率義旅庶清肅於江流載攷中興之名
臣尤重廂部之陟典內以嚴鈎陳大微之衛外以澄金陵
北固之氛噫定王國奏膚公式倚良翰之重在師中承天
寵嗣放懋賞之榮可

張起岳特授寧遠軍承宣使龍神衛四廂都指揮
使依舊知夔州兼夔路安撫副使

勅艱危之際特節義為金城忠良之臣植封疆為砥柱孝
寬之保玉壁真卿之守平原今見其人朕嘉乃績具官某
秉心純實立志雄剛草木知萬福之名惟幄決子房之勝
愾虜氛之甚惡嘆蜀道之至難細柳堅壁之威鎮安夔路
勁草疾風之操克復南江誅偽使而焚其書挫醜虜而奪
之氣奏封來上大節可嘉峻隋容管之承流班亞齊越密
聯廂部之分衛職近周廬式昭褒賞之思用為屏翰之勸
噫當一面屬大事朕不忘固圉之勤獎三軍定中原爾益
勵折衝之畧適收雋提嗣對寵光可

許文德特授 州觀察使依舊知淮安州淮東安

撫副使兼淮東策應副使

勅戒戎旅率淮浦適成却敵之雋功承天寵在師中載錫
策勲之懋賞有嘉凱用勸戎昭具官某識明而志忠謀老
而氣壯膽雄稜于闕外如虎在山殿重鎮於淮陰若罷當
道賢於長城矣豈憂匈奴哉愼狡虜之亂常挾叛臣而犯
順大羊驅十萬之衆塘燭交四面之鋒維我屏翰之良悉
心戰守之畧畫御宵擊保固金湯之疆電掃風除攘殄旃
裘之醜大奏采薇之捷優獎前茅之勞正使領於康車聳
軍容於方面既酬茂績益勵英猷念多壘之未清懍東陸之
孔棘用師觀釁而動乘勝氣以盪平擊虜以滅為期趣勁
兵而應接式克着定尚有殊褒可

田謹賢特授親衛大夫福建觀察使依舊知思州
兼御前諸軍都統制

勅國家多難正遠臣敵愾之秋節義大閑嘉良牧效忠之
志趣提師而入援爰進律以示褒具官某性行端純器資
果毅附衆威敵而兼文武如穰苴之善兵銜訓嗣事以考
度呈若弘正之濟美奕世守封疆之固一心堅忠孝之傳
憤獫狁之肆凶率熊羆而奮勇朕方馳羽檄以召勤王之
士爾乃飛驛書而勵報國之忱擊楫誓清纓冠往救平原
為金城之倡恨未識真卿之賢河西布璽書之明爾用錫

富貴融之寵陟崇階於親衛躋峻秩於廉車汝捍我于艱其田氏世龍息州與播州楊
接桴鼓而進功多有厚賞以頒賜旄鉞之榮氏世姻宋亡入朝官榮祿大夫封義敏公

揚邦憲時授親衛大夫利州觀察使依舊知播州
兼御前諸軍都統制

勅聽鼓聲而思帥郭濟時艱脩弋子與同仇載嘉義舉爰
趣援師之至誕揚褒律之榮具官某植志忠純秉心洪毅
臨機料敵證明金版之六發御衆收人威憺王閔之萬里
奕世同封疆之守一忱堅節義之閑憤蛇豕之肆凶合能
罷而奮勇朕每食不忘於鉅鹿爾惟志常馳於伊五獎率

勁兵捍衛多難真卿未識獨倡平原之盟實融來朝宜錫
河西之詔思加增秩檄召勤王陟親衛之崇階峻廉車之
殊渥夫助者順亟其戒戎乘之行師克在和則有齊鉞之
命可邦憲世龍播州十八世宋內附遂請降世祖下璽書
撫使子孫相繼襲爵寵錫尤厚

姜才依前右武大夫特授 州防禦使依舊建康
府駐劄御前諸軍都統制

勅安邊境在良將久宣敵愾之勞共武服奏膚公式厚策
勲之寵有嘉此槩載錫褒章具官某果銳而好謀忱恂而
尚義隱若敵國差強人意況衛上之忠率彼淮浦以脩

我戎暨之冠軍之勇效焉醜類梗我要衝逞蛇豕以薄城
驅犬羊而犯順如多壘存也獨被髮以櫻冠鼓三軍進之
乃雄心而鳴劍先鋒鏖戟入陣勦除亟收破竹之勲來獻
采薇之捷威稜大振賞典趣放陟使領於捍防表戎昭之
果毅有功見知則說用勸熊羆之臣擊虜以滅為期盡清
狐兔之穴勉建殊績嗣有茂思可姜才在揚州屢捷益王
登極李庭芝命朱渙守
揚州而與姜才將兵也十趣泰州將東入海庭芝既行渙
以城降阿木圍泰州驅庭芝妻子至陣下招降姜才發九
道不能戰泰州守將孫貴降庭芝與才俱就執望揚州才
憤罵不已元帥不思殺之朱渙曰揚自用兵以來積頽滿
野階庭芝與才所為不殺何侯乃皆殺之揚民莫不泣下
田是淮東州郡皆降

州

陽立依前右武大夫特授州觀察使依舊知培

勅聽鼓聲思將臣欲濟艱危之會撤師徒討亂畧盡優獎
擢之恩其錫明綸以旌壯槩具官某忠誼根于天性知畧
習于邊籌砥柱蜀道之衝賢長城遠矣湯池臨川之險曰
將軍制之獨堅細柳之屯屢秦采薇之捷士氣大振虜膽
為寒脩兵與偕行久後勤王之旅出車維其棘趣收殄虜
之勲宣力既多陟明可後武爵峻隣於左廣使名超進於
廉車賞不踰時益勵熊羆之勇師直為壯遂靖蛇豕之氛
亟成雋功嗣對褒律可

苗再成特授拱衛大夫依前和州防禦使帶行帶

御器械知真州 德祐元年

勅王事多難維其棘師克在和我武惟楊伐有辭功有厚
賞某鳴劔伊吾之壯志堅壁細柳之英標自守固於儀直
克執醜于江滸率勁兵而勇往徑擣妖巢燬列柵以無餘
連收雋捷忠忱足以振士氣義槩足以懾戎心賞褒律之
殊榮晉橫班之峻秩用錫爾祉益殫拱扈之勤立定厥功
嗣有寵褒之典可阿木攻真州再成就庭芝節度日與之
戰與趙孟錦力戰于鶴嘴敗績後謀奪
駕不克元既破揚州攻真益急趙孟錦失足墜水中死苗
再成身生被獲不屈而死

陽立特授翊衛大夫依前 州觀察使陞帶行帶
御器械知涪州誥

勅多難維其棘緬思蜀道之艱十乘以先行武固涪江之
守慨蛇豕食上國之慘時熊羆不二心之賢趣戒勤王之
師峻放進律之寵具官某雄姿果毅義槩魁閎撫鳴劍馳
伊吾壯哉敵愾飭戎車代獬豸偉矣折衝玉關愴其威名
金成倚以屏翰輯寧五郡保障一方天降割于我家重以
投鞭斷流之患心固不在王室挺然纓冠救關之懷遣將
校而奏帛書涉險阻而承羽檄聞者興起發於忠忱念江
淮之巢窟未清而荆益之襟喉猶梗欲寤擊而颺掃盍卯
命而辰行是用升翊衛于橫班躋扈帶於邇列裒乃勁節
亟其疾驅獎三軍攘姦凶以報先帝辟四方徹疆土肇敏

戎公投袂而來反席以俟可

劉師勇特授左武大夫依前濠州團練使帶御器
械平江府駐劄御前諸軍都統制誥

勅戰功曰多莫難乎先鋒之勝賞國之典莫高乎橫列之
階我有勁臣時颶茂渥具官某倣僕扶義雄烈逸群統率
戈船既振威於海道訓齊武旅爰養銳於毗陵趨潛師而
進呂城欲乘勢而復京口中權後勁冒矢石以身先彼竭
我盈龍言旃裘而瞻落執訊獲醜敵愾獻功載嘉後亭橋之
竒勲峻濟東山閣之華秩佇奏肅清之捷嗣膺褒擢之恩
可師勇復常州大出奔師與孫虎臣張世傑戰焦山大敗歸常州城破以八騎突圍走平江後率所部入于海

謝方叔特贈少師咸淳八年

勅舊人不遠省甫放休復之恩一老不慙遺亟監餘忠之

奏聿懷耆彥載錫愍章具官某秉心純明制行宏毅振直
聲於言路迪簡先帝之知聳雅望於政塗遂登一相之任

裕於進退介以壽威致為臣而歸從容知止雖爾身在外
注想詢猷念未踰衛武之年曷弗瘡平津之疾惟德爵齒

昔所難兼若者成人今其餘幾九京不可作已亞師于以
贈之噫就珍從以乞言嗟清規之已遠及生存而加綽慨

榮命之不先禮貌具隆始終無愧可按宋封贈制皆中書舍人執筆惟紹定六年史彌遠贈中書令追封衛王令學士院降制學士言非典故詔特與降制是可以見當時法制之定矣

江萬里特贈太傅傳德祐元年

勅多艱維其棘方加壁以趣來一老不慙遺愴懷沙而永
逝哀哉殄瘁聞者盡傷慨歎精忠時颺懸冊具官某文起
八代之陋學貫六經之傳休其心有容得宰相體蹇
匪躬之故先天下憂九齡懼偃月之猪諸梁深如歲之望
若涉淵冰求濟尚明保予猷詢黃髮罔愆惟克邁訓聿懷
勸講之助駭聞遺札之言寇至曷去諸弗易子思之守人
莫我知己寧從彭咸之居凜一節之不渝雖百身其莫贖
責以蘇軾之謚祿以謝安之官將興百世而立懦夫用張
四維而厲臣節噫仁必有勇嗟予共納誨輔德之賢義重
於生可以媿臨難苟免之士英魂未沫茂渚其歎可

江萬里特贈太師德祐元年

勅君子式黃髮莫崇乎德齒之尊聖人有金城莫難乎節
義之守嗟予大老逢此鞠凶用震悼于朕心肆表章其芳
烈具官某浩氣剛直德性高明孤忠自持屢墜林甫偃月
之計特立不倚靡附賈充夕陽之姦蓋歸乎未克邁乃剖
若金用勵方咨改說之賢恢瑾握瑜永慨震均之恨御事
罔或耆壽其天不吊慙遺哀哉殄良潛焉出涕彼誤國不
死適以遺臭萬年作殺身成仁凜乎生氣千載祿師垣之
極品膏哀欽之殊榮噫三公惟其人悵失扶顛持危之助

九原知可作尚典廉頑立懦之風可池初万里閭裏樊破鑿
水及兵將至隱草野間為游騎所執大詔欲自殺既而脫
歸城破謂門人陳傑曰大勢不可為余雖不在位當與國
為存亡既而軍士執其弟某頃索金銀不得支解之万里
遂赴止水死左右及子鎬相繼投沼中積尸如壘望日万
里尸独浮出水
上從老斂葬之

印應雷特贈端明殿學士

勅賜弓鉞以顯征風懋幹方之績聽鼓鼙而思帥載欣追
命之褒其敷言論用功臣節典官某宏材任重寔季濟時
知仁勇之修身文武為憲剛大直之養氣精神折衝戒我
師以鋪淮瀆雖在外而心王室有嚴有翼制勝尊俎之間
惟禁惟征守固金湯之固月捷方奏星隕遽聞怡台伯之
餘思想羊碑之下泣彼忘功而沮善茲更化以懷賢念國
步多艱朕安得頗牧而用若承明遽職爾未膺光鎮之榮
植錫寵于密章俾賦思於政路九原可作千載如生噫劉
毅不為三公每深撫几之歎許穆加贈二等尚款禔衣之
華獎其忠勞問者與起可

唐震特贈華文閣待制

勅事君能致身封疆之寄為重自古皆有死忠義之名長
存朕慨國步之斯頻嗟臣節之未厲載嘉砥柱之操三款
磬聲之思具官某剛毅近仁質直好義河北諸郡独有直
卿睢陽一城莫救許遠孤壘危于朝露勁氣貫乎秋霜壯

矣結髮白及可臨也哀哉握節屏干三禮之乃次对于松
階得廟食于樂社錫以令謚錄其道歌 若中興

之褒唐重九京可作尚百世以祀番君諒有英魂歎我聰
典可伯穎兵順流而東唐震度兵力不支死于州治之玉
芝堂通判万道同以城降 汪立信持贈正奉大夫

勅名臣文武亦尽亦惟大衆良士旅力既憊不印自卸駭
聞遺札慰錫禮章具官某謀猷川行知畧輻湊賢長城遠
矣才兼牧御之餘曰閩外制之身佩翰蕭之寄慨恢危難
倚任攘除擊楫之志未酬聽輦之思何及納書衷邑躋三
品之崇階鳴劍伊吾想九原之生氣可立信以二策上冒
似道言不從請脩

銜璧與視之礼似道罵曰瞎賊狂言敢尔及蓋湖出師相
過似道極立信皆曰不用公言至此立信曰瞎賊更說一
句不得今江南無一片乾淨地某去尋趙家地上死也置
酒台僚屬手自為表起屋三宮與從子書屬以家事危阮
而死伯穎問之曰宋有是人便果用之我安得至此

趙与禱持贈朝請郎直學文閣知寧國縣

勅具官某王事多難猷非全軀避禍患之臣宗子維城獨
效捍敵死封疆之節聰聲而愾歎錫綸命以寵褒而振
振周公族之英譽、楚同姓之採志聖即星之守躬蹈井
督之危方免曹以衛民竟佶饜而狗義傷哉賢令罹此鞠
凶增十秩以追榮嘆百身之莫贖仍躋延閣並錄孤兒俾
廟食以旌忠尚毅魂之殄虜可德古元年大元取寧國縣
知縣趙与禱死之

王栢特贈承事郎

勅某朕惟正學不明士習頹靡人心陷溺稔成衆危是用
崇獎宿儒使同風興起有祖為淳熙名流尔家世其家文
猷淵原博以諸老之琢磨養粹得深卷道不試從臣有請
追賁京族當孔棘之時所以張四維扶世教也詔于出扃
服享殊渥可栢大父師愈受季楊時父幹世游朱呂之門
栢少學長嘯年三十始知家季之源以長嘯
非持敬之道更學魯齋問何基得黃幹之傳遂往受業于
未盡著述致力以求其枉律自以敬治宗以嚴動默皆可
也師

孫虎臣特贈太尉

勅國家多難慨多死封疆之臣節義大閑是為從社稷之

本嗟忠臣之玉折錫恩冊以哀褒具官某英傑雄深壯恢

卓犖威謀制勝登奏傳書宜結之功茲勇冠軍常有封狼

居胥之志虜方投鞭而闕我意欲折箠而答之江陽武

沈屬以討叛之任陣堂旗正誓以滅虜為期乃俾

守符乃授齊鉞闕羽待平伍之善尚忍負之田布報君父

之忠惟有死耳義重熊掌身輕鴻毛旃裘閭之寒心營壘

莫不流涕朕接凡以款聽擊而思駭罔遺札之言愴失名

將之雋密印紫綬追封尉府之崇直蓋犀斬納書顧福之

飾哀百身之莫贖愼千載之如生噫存弗履居降侯勅之

官殺尚享段秀實之贈諒而毅魄我恤章可

元兵入秦州虎臣自

殺虎臣嘗以教騎生傳不
花太子以為有後殺之

夏松時贈保康軍節度使

勅事君能致身封疆之臣尤重自古皆有死忠義之譽長
存聿懷馨聲之思載錫斬逆之典具官某威名濟于世媿
兵畧得於家傳祿父功惟我有臣如李愬之在唐室若內
奉皆堪為將如曹常之在本朝慨醜虜之窺江統師于而
捍寇寧旌者數矣勇者願身濡冠而救之志于狗國嗟將
星之遽殞懷義氣之如生授齊鉞以飭角忠賜令謚以褒
爾節噫加等而莫許穆重惻我心登壇而拜唯陰莫追既
往英魂未沫茂渥其款可尚松夏貴子力戰被殺謚者謂松

尹玉特贈濠州團練使麻士龍特贈高州刺史

勅具官某見危授命者義之先致果殺敵者忠之大迹者
熊罴之士進援毗陵鼓三軍倡勇敵角玉以贛水之師俞
士龍以淮濱之旅擢鋒力戰隕於行陣而醜類之殄殲甚
衆有身雖沒可以愧怯懦退却者是用贈玉戎團之秩贈
士龍刺使之後英魂如生尚克屬此虜而剪滅之仍錄羽
林之孤俾忠義之臣咸勸可二將戰常州玉戰五牧士

資政殿大學士兩浙鎮撫使謝堂該明堂思封贈

魯祖溪甫特贈太師進封魯王

勅肆祀有來雖魯對宗祈之報魯德其鄰翼魯肅將使

範之恭惟賢相之流光施曾孫之濟美式敷餽澤申賁密
章具官其故魯祖其德載鼎彝功高廟廟卿太傅佐中天
之業寔鍾長樂之祥郭汾陽著貫日之功丕衍具慶之祉
袞綉焜煌於三葉旌繁炳耀於六符助我明禋錫以多祐
師垣王社人爵之貴可加贈某係言祖烈元傳無斁可南
相寧宗

祖渠伯特贈太師追封魏王

勅多士對越在天咨政隍而相祀烈祖有秩斯祐懷世德
以敷恩眷言棠蔭之傳追賁松楸之享具官某祖父蒙華
文獻喬木声猷高密之仁至訓而報益大汾陽之烈在暖
而慶彌長惟思齋之功有闕必先維立政之輔垂憲乃後
約軌錯衡之乘假和鈴條華之有光告于文人仍維師真
王之秩介以繁祉歸重珪累袞之休可

父奕昌特贈太師追封魏王

勅我将式文王之典資時使領之賢若高禋申伯之功溥
手祭餽之惠惟宗祀以教孝用篤親而具仁具官某故父
某大盈若冲甚德而度蒙華有章矣尚長君退讓之風留
衣之宜兮遵鄧侯法度之教象賢朕暉於政路駿奔陪祀
於合宮嘉乃義方錫之懃冊更康叔國仍異姓王之榮昨
畢萬封衍後嗣人之慶可

母吳氏特贈齊魏國夫人

勅於高維翰之功推本生賢之度台南積行之美端錄正始之風朕命賢戚而鎮京師秩禮祀而敷餼澤異數密朕於政路徵章申賁於母儀具官某故母某氏文獻名臣之家柔嘉女士之德禮共繫治屏流水游龍之華教叔芝庭衍懿紫傳龜之祉蟬媧万石之賞鴻漸西社之班佞輯王歲凝皇之奠枕之績肅祇使領儼峨，奉璋之容瞻義訓以有原諒孝思之追遠錦囊象軸大國兼齊魏之封翟第盈軒千載垂陶孟之範告之禘廟銘之鼎彝可

知樞密院事兼參知政事李廷芝徐氏特封永國

勅朕稱宗祀適求救功常武之脩我戎武倚筭惟之彥殷雷之勸以義載嘉壺範之賢其錫綸言用敷餼惠具官某妻某氏迪內則之訓藹女士之芳鵲巢夫人起家助台南分陝之化燕喜令妻受祉集魯邦膺狄之勳采薇之捷既同彤管之褒可後宜其家而有譽貴於室以特封翟第魚軒賜沐涪溪之國鸞書象軸增光袞路之榮可

隆興府請安縣管下利澤昭應普安王特封利澤

昭應普安清祐王 臣平

勅右之烈士精忠貫宇日星沒為明神靈光射乎牛斗維三閭之姁節懔千載其信芳于民有功以德詔爵某神清

白死直博塞好脩仍羽人於丹丘已魯奉太初之表冠切
雲之奇服犹不忘南國之思惠綏黎元銷禦苗沴肆丕從
於衆籲式敷育於號榮蔓茅兮吉占其歆西美蘭鞠兮終
古以續九歌可

荆門軍玉泉寺壯穆義勇武安英濟王特封忠壯
義勇武安英烈王 閔明

勅頗收為將豈憂匈奴每恢雄俊廉闇雖死常有生氣未
沫英靈載錫之光亦克用功其神才高三傑勇敵萬人蓋
嘗乘漢水之溢而攻樊幾于震曹瞞之敵而徒許功雖靡
竟志則不磨其餘威犹足震我心非更封何以慰荆旅用
旌忠臣之節並顯烈士之風二名孔嘉永賁傳芭之祠楚
九京可作尚能結草以抗秦

咸淳三年十一月臣石麟以起居舍人兼秘書行吏
右禮工房七年七月自徽州召為秘書監兼右十月
供職書行吏右禮刑房十一月除起居郎兼仍舊八
年七月書行吏右戶房德祐元年三月真除舍人四
月供職書行吏右戶兵刑房七月除禮部侍郎兼又
書行吏右十一月除禮部尚書兼給事中辭而省兼
但凡三八掖垣徧行上下房辭命臣應麟謹識

記曰王言如絲其出如綸然則詰命之休其可不

慎乎文章至宋季風頽波靡矣而王言終不失体
南渡以來龍溪汪公平周周公号為冠冕若厚齋
王公尤所謂傑然者也咸淳德祐間社稷傾危近
在朝夕而公出入中書遍行諸房詞命方除日填委
他舍人閣筆不下公獨從容授之若行雲流水悠
然泛然而莫知伋極者令讀其辭蓋會集群言而
以己意發之信所謂博極群書者也昔三槐王公
序崇豐文集以大手筆目之且謂名與天壤相
契烏乎豈徒南豐也哉從學崇陽生鄭真再拜謹
識

故現文殿學士正奉大夫史字之墓誌銘 以下補入

詩書所稱世臣之美盛矣惟宋豐邑涵育之仁逾三百年
父子為相者三家節史氏典烏燕及後昆萊祿昌衍蓋世
德之積也厚而承德用譽亦在其子孫故現文殿學士正
秦公其淳德有常者欵越在內服請共厥位越在外服惠
政施於民涉世愛守素履毫釐弗更其操近古所謂吉人
長者公既歿前進士黃君翔龍纂次行事于嘉鄉等請著
石章應麟嘗執事太史 竊現先朝盛際上以礼義過其臣
下以忠厚世其家法宜書瞻彼喬木歸然故國纂乃祖乃
考銘于丞彝昇其可使遺老無傳茲後死者之責不敢辭

公諱宇之字子發世為明之鄆人高太父詔以八行舉于
鄉贈太師越國公高太父師仲贈太師越國公太父浩相
宋孝宗為太師保寧軍節度使封越王謚忠定備享廟廷
父彌遠相寧宗理宗為太師保寧昭信軍節度使封衛王
謚忠獻母書氏齊魯國夫人公忠獻季子也粹溫端懿忠
獻以福艾期之謂之曰元吾宗初命承事郎紹定五年中
吏部銓自寶章閣至右文殿脩撰奉佑神祠除將作少監
賜同進士出身遷樞密副都承旨忠獻薨服闋除司農太
府少卿集英殿修撰仍昇佑神祠即家授沿海制置司參
議官進寶章閣待制賜金帶陞華文閣知處嚴溫三州皆

力辭理宗賦受遺定策之勳曰篤不忘公兄忠清公完之
既踐駁中外入式樞機公怡然自將澹於榮進上欲試之
治民迺以敷文閣待制守婺時淳祐八年也婺比歲旱飢
出粟裝糴湖石米三萬石往賑貸民罔指瘠易守處州始
至獄多淹繫閱寔上部使者讞訣圜扉一清賦稅三年民
若文公倚閣其一年版部期會苛迫以已俸代民輸未幾
督趣如故公以累年之通一朝求足民必重困奏以三十
年竅高者為數疲旺感悅忠清之喪以在原急難謂告奔
赴得請遂行孝釋遮道攀首召為兵部侍郎辭不拜進侍
制寶文閣提舉祐神觀擢工部侍郎高書願就散秩陟

宝章閣學士提舉萬壽現奉朝請宝祐二年召為兵部尚
書以煥章閣學士知紹興府浙東安撫使惟祖惟兄遺愛
在越公來鎮崇蔭耆老驩迎念伯先哲壹以寬和撫柔此
民初忠定作牧叙義曰為士大夫賢而貧者喪嫁之兩歲
久寔惠不需至是杞樊柳蠹始復旧規越為南陽鄉公寬
而有制無所回抗郡大閱一夫徑造聽事乃平伍祐王邸
挾者公曰犯階級有常刑執而懸流之軍民懃服咸曰仁
者之勇甫恭治最轉閣重書褒美陞徽猷閣學士因任尋
除工部尚書五年進長兵部兼工部宗祀明堂為橋道頓
遞使祀成拜端明殿學士時昇執政思數懇避甫至斷章

批會曰鄉信志孝謹牧養子惟寵嘉之祖孫父子昆弟先
後列政余惟呂氏暨鄉門式克欽承以為邦家光景定二
年進資政殿大學士知建寧府承葉公萬鼎陳公昉之後
廉明勤儉遵其成規南方多嵐霧日高乃視事公常夙興
見吏民不以素貴少懈夏潦崇安松谿水汎溢民懲于子
舊抱携扶入郭公盛服露禱為民請命移時激霽橋梁爰
為幾墜民凜沈墊亟募舟楫拯之有阻渡剽攘者罰无
貸黎明水退民以更生晉慶建俗機鬼惡少身殉陰祠惠
庇神事之公捕為首者正其辜谿流湍悍競渡鬪爭多覆
溺嚴為科禁俗遂革閱歲再召進覲又殿學士提舉萬壽

觀奉朝請居生母齊韓國夫人林氏憂哀毀過禮咸淳二
年終制以旧職知寧國府郡上供米隸淮東西兩餉俾其
屬受委輸准西使者治建康地近符尤峻或轉餽江北跋
涉耗夫凋欠數十萬計而郡官兵餼廩常不給公控籲于
朝始得額隸淮東郡次稍紓明年祈開提舉洞霄宮優游
里第垂十載自是閔光發華若未始有軒冕晚歲闔門養
疾一榻蕭然人希識其面至元三十年病革卻藥遂不起
春二月十三日也年七十有九階自初命至正奉大夫爵
自鄞縣開國至奉化郡公食邑四千六百實封戶六百娶
洪氏娶高平郡主趙氏皆先卒子男五吉卿承讓即大府
寺丞知武同軍先一年卒沂卿亦事即為兄待制後嘉卿
彭卿並承事即常卿女子六孫男六辰孫觀孫景孫慶孫
憎孫滿孫女四曾孫男一公順女二是年四月丁酉葬于
鄞縣陽堂鄉金輿與高平合兆公性孝友敬保先緒嗣
如弗勝楓訓言罔敢墜忠獻享木已拱隨碑未立論撰先
德屬吳公淵狀其行進徹乙覽理宗用至道熙寧銘兩忠
獻故事親製文題其額曰公忠翊運定策元勳之碑奎藻
漢章賁耀松檟孝子揚父之美公有島別墅在錢塘西湖
密迤枋徑私第欲得之詠以榮利公以先人舊業未終不與
姊遠故戶部侍郎趙公汝楨登卒定奉化隣小有訟公割

曰易之爭者遂息樂善不倦故家流風猶存名譽以謹亦
久蹈之處鄉黨恂恂似不能言與人交減否不出諸口而
自中有匪謂自菲薄服用如矧儒治五郡護本根後蘭
係雖多赫名一念愛民隱然膏澤之潤必終領閭集享
備福克對前人光於歲賢哉銘曰

史以宦氏相聲于唐迨宋昌大台混相望有若甘盤有若
伊陟奕葉鈞衡太常紀績象賢惟公昨乃舊勳用彰厥善
不專為思佩玉徐遙翔于常伯處貴無驕在豐能約迪
睦知職朕輔臣素有世舊豈伊異人公拜稽首對揚明命
位聞不言秉心無競始政於嬰終政於宣振之平賦民瘼

以蠲禹會什益維祖賜履懋崇勿剪二季泣止燮民厚俗
漢吏之循安靜悃悃善不近名岩居川觀殊庭燕使仁者
之壽秀眉華髮時行則止脫屣浮雲一其初終駒皎鴻冥
嗣守埴艱前修所歎允矣君子歸飛無憾曰晉遺老曰殷
故家胡不百年鄉閭之嗟古榻蒼：盱此銘誅忠定之孫
忠獻之子

史鄂州墓誌銘

王厚齋

鄂州君史育之字子報贈少師彌鞏公之子補國學生以
父任知婺州詠遇明堂恩補通仕郎銓中授從事郎峽州
遠安縣尉仕至添差通判太平州改通州鄂州轉朝散郎

卒于官居官廉所至有遺愛乾淳初余始第進士侍先尹
吏部倅委明年少師公來守郡君侍焉兩家子弟相好也
君二季皆余同年交菴左懷舊重有感焉銘曰一邑之政
天下式洞瀍有訓為世則君才恢二優治劇佩玉長裾進
匪棘井滯不食心靡惻殖豐履歎志弗詘巖邑嘉庸得目
擊我銘表善貽千億

越大夫贊

王厚齋

智哉大夫鵬舉海瀕淵謨石畫為越良臣處女脫兔神機
翕張操會稽恥于禹有允吁嗟烏喙穢良忘功室既顛薨
梓匠弗庸彼貽韋者自詭明哲謂不如蠱謀身之拙工子

白楊路哀猿號崇岡
利抽毫述悲傷

才暮心下沾衣裳惜哉時不

王深寧文集跋


王厚齋先生博學鴻才偉論卓識見諸立朝居官疏議
彪炳史冊少從師授得呂成公真文忠之傳所著書凡
六百八十九卷古今撰述之盛前無如葛稚川其次即
先生稱本富矣通行天下者祇王海困學紀聞詩地理
攷紺珠詞學等書在手著序記表誥辭命誌銘之類闕
焉未傳誠為憾事歲癸未余屏跡家門友人劉君讓以
鈔書見售閱之乃四明文獻也採輯者乃滎陽外史鄭
公真也曷勝狂喜不惜重貲以應寒士之請把讀終其
間有未經詳明者白浦紹州它處散見者輒為增是

成全為庶使文

紙沒第愧非

付剞劂以廣其傳姑給寫藁藏俟之來治云爾

即後學前枉下史陳朝輔變五父謹識於雲在樓



卷之三